

Na osnovu Zakona o javnim nabavkama Bosne i Hercegovine („Službeni glasnik“ broj: 39/14), člana 7. stav (b) Pravilnika o postupku direktnog sporazuma Elektrotehničkog fakulteta u Sarajevu (broj: 02-1-614/15 od 04.02.2015. godine) i Odluke o direktnom sporazumu (broj. 02-4845/17 od 27.12.2017. godine), zaključuje se

UGOVOR O JAVNOJ NABAVCI

Između ugovornih strana:

ELEKTROTEHNIČKI FAKULTET U SARAJEVU - ID broj: 4200304450006, sa sjedištem u Sarajevu u ulici Zmaja od Bosne bb, koga zastupa dekan prof.dr Samim /Malić/ Konjicija (u daljem tekstu: Kupac)

i

PRIMOTRONIC d.o.o. Sarajevo - ID broj: 200152500002, adresa Butmirska 7., koga zastupa direktor Bakija Selma (u daljem tekstu: Prodavac).

Član 1. (Predmet Ugovora)

Predmet ovog Ugovora o javnoj nabavci (u daljem tekstu: Ugovor) je nabavka elektroničkih komponenti za potrebe nastave na Odsjeku za automatiku i elektroniku na Elektrotehničkom fakultetu u Sarajevu, po ponudi prodavca broj 1479/17, zaprimljenu od kupca pod brojem 03-4816/17 dana 25.12.2017. godine, a po osnovu direktnog sporazuma zaključenog između ugovornih strana.

Član 2. (Obaveze Prodavca)

Prodavac se obavezuje da će:

- izvršiti isporuku predmeta nabavke iz člana 1. ovog Ugovora i
- postupiti po eventualnim primjedbama Kupca u pogledu nedostataka u kvaliteti predmeta nabavke.

Član 3. (Obaveze Kupca)

Kupac se obavezuje da će:

- blagovremeno obavijestiti Prodavca o načinu, mjestu, količini i terminu isporuke predmeta nabavke i to pismenim putem,
- pismeno obavijestiti Prodavca o mogućim propustima i neispravnostima prilikom isporuke predmeta nabavke i
- utvrditi razuman rok za ispravku propusta prilikom isporuke predmeta nabavke.

Član 4. (Povjerljivost)

Ugovorne strane se obavezuju da će trajno čuvati kao poslovnu tajnu sve povjerljive informacije te da neće otkrivati ili na bilo koji način nedozvoljeno koristiti informacije koje se odnose na poslovanje.

Član 5. (Naknada i način plaćanja)

Kupac se obavezuje da će Prodavcu isplatiti cijenu ponude u iznosu od 1.510,88 KM (hiljadupetstotinadeset i 88/100 KM) bez PDV-a, u roku od 30 (trideset) dana od dana dostave fakture, ukoliko isporučena roba bude zadovoljavala kvalitetom.

Ugovoreni iznos naknade će se platiti na žiro račun Prodavca, kod odgovarajuće banke u Bosni i Hercegovini.

Pripadajući porez će se obračunati i platiti u skladu sa zakonom.

Član 6.
(Rješavanje sporova)

Za sve eventualne sporove po bilo kojem članu ovog Ugovora, ugovorne strane su saglasne da probleme i nejasnoće rješavaju sporazumno u razumnom roku, u protivnom nadležan je sud u Sarajevu.

Član 7.
(Završne odredbe)

Ugovor je sačinjen u 4 (četiri) istovjetna primjerka od kojih svaka ugovorena strana zadržava po 2 (dva) primjerka.

Ugovor stupa na snagu danom potpisivanja.

U znak prihvata svih prava i obaveza iz ovog Ugovora, ugovorene strane svojeručno ga potpisuju.


ZA PRODAVCA

Direktor, Bakija



ZA KUPCA

Dekan, prof.dr Samim Konjicija



Broj: 02-33/18
Datum: 05.01.2018